

Broj: 03-02-5-5934/19 S.O.
Sarajevo, 05.08.2019. godine

FEDERACIJA BOSNE I HERCEGOVINE

PARLAMENT FEDERACIJE BiH

DOM NARODA

SARAJEVO

N/p. g-din Izmir Hadživdić, sekretar

PREDMET: Odgovor na delegatsko pitanje, dostavlja se

VEZA: Vaš broj: 05/2-02-147/19 od 24.07.2019. godine

Dana 29.07.2019. godine, dostavili ste na odgovor Federalnom ministarstvu finansija - financija delegatsko pitanje izaslanika g-dina Borisa Krešića, koje glasi:

„Zašto prilikom odlučivanja o žalbama na rješenje Porezne uprave o pravu na lični odbitak građani čekaju godinu ili dvije da bi se odlučilo po njihovim žalbama čime se striktno krše zakonski propisi Federacije BiH, te Ministarstvo je dužno odgovoriti u roku od 30 dana? Zašto se krše zakonski propisi i ko u Ministarstvu financija odgovara za nepostupanje prema građanima?“

U vezi sa navedenim delegatskim pitanjem, dostavljamo Vam odgovor na isto:

U Odsjeku za drugostepeni porezno - upravni postupak Federalnog ministarstva finansija-financija, na upravnom rješavanju je ukupno 3.961 neriješenih predmeta (podatak iz službene evidencije zaključno sa 31.12.2018. godine).

Na provođenju žalbenog postupka trenutno radi ukupno 8 izvršilaca, (7 stručnih savjetnika i 1 viši stručni saradnik). U 2018. godini zaprimljeno je ukupno 1.495 novih predmeta, a urađeno je ukupno 1.513 predmeta (podatak iz godišnjeg izvještaja za 2018. godinu). Sagledavajući dinamiku učinka i broja izvršilaca, vidno je da se godišnje riješi otprilike isti broj predmeta koliko se i zaprimi novih predmeta u toku jedne godine, pa kako je obaveza postupanja da se predmeti rade hronološkim redosljedom, po datumu zaprimanja, broj neriješenih predmeta je otprilike uvijek oko 4.000.

Poznato je da drugostepeni organ, već dugi niz godina radi u otežanim okolnostima, u smislu adekvatnog broja izvršilaca i da je sadašnje stanje prosjeka rješavanja oko 2,5 godina, nužno dovesti u zakonske okvire. U tom pravcu se unutar ministarstva preduzimaju određene radnje i ove okolnosti će se prevazići ili proširenjem sistematizacije i agažiranjem većeg broja izvršitelja ili putem procedura izmjena zakonskih rješenja po pitanju nadležnosti Porezne uprave Federacije Bosne i Hercegovine za kontrolu obračuna i uplate općinskih komunalnih taksi.

Službenici u Odsjeku za drugostepeni porezno - upravni postupak, predano i profesionalno obavljaju svoje redovne zadatke i u odnosu na raniji period, postignut je napredak u kvalitetu rješavanja. Broj ukupno riješenih predmeta od 1.513 pokazuje da je u upravnom rješavanju, težište na kvalitetu u izradi nacрта rješenja u odnosu na kvantitet i usklađeno adekvatno prema složenosti određene problematike. Gledano sa aspekta zaprimljenih tužbi i rezultata pokrenutih upravnih sporova, može se ustanoviti da se broj osporenih odluka drugostepenog organa, smanjio u odnosu na raniji period, te povećao broj sudskih odluka kojim su potvrđena drugostepena rješenja kao zakonita i pravilna.

Takođe, nije zanemariv ni broj ostalih akata ukupno 2.021 (podatak iz godišnjeg izvještaja za 2018. godinu) koji se odnose na obavljene druge zadatke i poslove unutar Odsjeka (priprema i izrada odgovora na tužbu i odgovora na zahtjeve za preispitivanje sudske odluke, apelacije i druge korespodencije sa institucijama u Federaciji BiH).

U ovakvim okolnostima prioriteto se rješava po svim nalogima upravnih inspektora, ombudsmena ili drugih institucija, te sa dužnom pažnjom, provode nalozi i instrukcije nadležnih sudova, blagovremeno i u zadatim rokovima. Na isti način se postupa i u slučajevima kada je to po prirodi upravne stvari (likvidacija, stečaj, prinudno izvršenje i sl.) potrebno, odnosno u saradnji sa poreznom upravom i u opravdanim slučajevima po urgencijama poreznih obveznika.

S poštovanjem,

MINISTRICA
Jelka Milićević

